

明 明

傅淑訓
鄭際明

重修
續修

萬 歷

澤州志

下
冊

晉城市地方志辦公室
北岳文藝出版社

附錄

卷之四

卷之五

卷之六

卷之七

卷之八

卷之九

卷之十

卷之十一

卷之十二

附錄

明 傅淑訓 重修
明 鄭際明 續修

澤州志

下
冊

晉城市地方志辦公室
北岳文藝出版社

图书在版编目 (C I P) 数据

【万历】泽州志 / 马甫平点校. — 太原: 北岳文艺出版社, 2009. 2

ISBN 978-7-5378-3156-7

I. 【… II. 马… III. 泽州—地方志—万历 (1573~1620) IV. K292.54

中国版本图书馆CIP数据核字 (2009) 第011058号

[万历]泽州志

马甫平 点校

*

山西出版集团·北岳文艺出版社出版发行

太原市并州南路 57 号

www.bywy.com

浙江锡星印刷有限公司印刷

*

开本: 850×1168 1/32 印张: 30 字数: 267千字

2009 年 2 月第 1 版 2009 年 2 月太原第 1 次印刷

印数: 1-3000 套

*

ISBN 978-7-5378-3156-7

定价: 120.00 元 (全三册)

澤州志卷之十三

宦蹟志

夫官，猶傳舍也。然官而傳舍之，非薄厭而綴虛華，即浮湛以席
撫美。士民耳目聰明，其尸而祝之焉。澤郡邑守令而下，靡不署
遞遷而人遞治，而灼然流照今昔，膾炙人口，歷世才數人而止，
諒乎！民實有心胡可強也，民實有口胡可弭也，則在長民者勗
諸！

名宦

州

漢

澤州志

卷十三

宦蹟志

六三〇

鮑昱：字文泉，上黨屯留人，司隸校尉永子，有智略。建武初，青犢賊據太行，太守戴涉請署高都長討擊群賊，誅其渠魁，道路開通。後爲沁陽太守，拜司隸校尉。

隋

房恭懿：洛陽人，開皇初爲州司馬，有異績，人戴之如父母。其政爲天下最，帝賜金帛。尋遷德州司馬。

唐

長孫順德：洛陽人。太宗起兵，以功進左驍衛大將軍，封薛國公。貞觀中爲州刺史，政以嚴明稱。先是，守長多通餽問，順德繩摘無所撓，遂爲良吏。前刺史張長貴、趙仕達占部中腴田

數十頃，悉奪以給單貧民。尋坐累放歸。卒，贈荊州都督，謚曰襄。

李抱玉：河西人，沉毅有謀，以忠盡自矢。代宗時，兼澤潞節度使。僞燕史朝義寇澤州，抱玉敗之。後授司空同平章事。

李抱真：玉從弟。代宗時，官刺史，兼澤潞節度副使。時賦重人困，軍伍彫敝。抱真策山東有變，澤潞爲兵衝，乃籍民三丁選一壯者，免其租徭，給弓矢，使農隙射，歲暮都試，比三年得健卒二萬，遂雄視山東。由是，稱澤潞步兵爲諸道最。累遷檢校尚書、左僕射，進義陽郡王，卒贈太保。

郭子儀：華州人。以武舉異等，累遷振遠軍使。至德初，充關內

澤州志

卷十三

宦蹟志

六三二

河東副元帥。時絳州諸軍剽掠不已，朝廷憂其與太原兵合，非新進諸將所可鎮服，以子儀爲澤潞節度行營，使民賴以安。後封汾陽王。

後梁

牛存節：博昌人，仕太祖，拜左千牛衛上將。從康懷英攻潞州，爲行營排陣使。晉兵已破夾城，存節以餘兵歸行，至天井關聞晉兵攻澤，顧謂諸將曰：『吾行雖不受命，然澤州要害地，不可失也。』戒士卒熟息，舉策先至州。州人已焚外城，將降，聞存節至，乃稍定。入城助守，晉人穴地道以攻之。存節選勇士數十，亦穴地以應戰於隧中，晉兵解去。累遷匡國軍節度使

同平章事，太尉。卒贈太師。

後唐

裴約：莊宗時爲潞州牙將。李嗣昭爲昭義軍節度，使約以裨將守澤。嗣昭卒，子繼韜以澤潞叛，降梁。約召州人，泣諭曰：『吾事故使二十餘年，繼韜違君背親，吾能死於此，不能從以歸梁也。』衆皆感泣，梁遣董璋率兵圍之。約與州人據守，城破力戰而死。先是，約求救於莊宗。莊宗聞繼韜叛，約不叛，顧謂符存審曰：『吾不惜澤州陷梁，一州可失，約不可失也。爾識機，便爲我速取約。』存審以五千騎馳至遼州，而梁兵已破澤矣。唐主憫其忠，爲立祠以祀。

宋

程灝：河南人，治平中尹。晉城俗沿五季，民不知學，乃擇秀異教之，親正句讀，明理義，指授大學之方。熙豐間，登科者相踵。鄰邑高平，爲社學四十餘區。以崇其教，立社會以化民，使有勸耻。乘農隙以講武，一時義勇咸爲精兵。均賦役，禁火厝，民多異產，教而聯之。後十餘年，劉立之官晉城，見民有聚口衆而不析異者。問其所以，云守程公之化也。度鄉村遠近，爲保伍，相恤行旅，則加柔惠，孤癯殘廢，貴之親黨，使無失所。庫有雜納錢數百千，嘗借以補助民力。視民如子，欲辨事者或不持牒，徑至庭下，陳其所以，從容告語，諄諄不

倦。嘗云：『縣之政可達於天下，一邑者天下之式也。』座右書『視民如傷』四字，云：『某每日嘗有愧於此。』在邑三年，百姓愛之如父母。去之日，哭聲振野。薦改著作郎，尋授太子中允。監察御史。

石守信：浚儀人。從周世宗征晉陽，遇敵於高平，力戰，遷軍校。宋初，授侍衛，馬步軍副都指揮使，領歸德軍節度。李筠拒宋，守信與高懷德等帥前軍進討，破筠於長平，斬首三千級。又敗其衆三萬於州南碾子谷，獲僞節度使范守圖，降太原援軍數千，皆殺之，澤潞悉平。以功加同平章事，累官中書令，加檢校太師，進封衛國公。

陳堯佐：閬州人，祥符中爲河東轉運使。澤產石炭，歲征其稅。乃以地塞民貧，仰此以給生，復令其出稅，人多不堪，悉奏免之。又奏免官治鐵課數十萬緡。鑿太行之險以通道路，民咸德之，爲建修路興利碑。官至平章事、太子太師。

宋昌言：平棘人，參知政事綬子。以蔭爲司理參軍，惠澤給民。善斷疑獄，有殺人逮及無辜者，疑其冤，力請緝捕，果得真犯，正之法，冤抑獲以昭雪。官至少府監。

時敦：彭門人，宣和中爲判官。政事辭翰推重一時，民咸有去後之思。

王士言：靖康初粘沒喝攻太原，悉破諸郡縣，分兵南下，會平陽

叛卒導兵入南北關，降威勝軍，下隆德府，進屯澤州。士言畢力守禦，金兵日增，城陷巷戰而死。事聞，贈忠州團練使。

李景章：平順人，知州事。才識卓越，多方施善政以宜民，人咸德之。

金

左秘：薊人，太師企弓之子。皇統初，爲刺史，廢一切鉤鉅細苛，不嚴而治。刑獄猥積，決遣無留停。平南山之盜，革守城繁役。秋糧納粟，請折以米，費省不貲。歷政二年，清儉自處，吏畏民安，綽有政聲。

楊庭秀：華州人，以進士官司諫。太和初，自獻州刺史移刺澤，

政平頌理，民用康久。雅善文辭，注《程楊易傳》行於世。自號虎峰居士，陞平涼府同知。

李仲略：高平人，文簡公子。幼敏悟，善屬對。大定間進士，官左都曹。以父衰老乞歸，特授州刺史以便祿養，時人榮之，爲建□堂。莅政剛介特立，不阿權勢。值歲歉，先發藏賑濟，後自劾以聞。上嘉之，賜敕獎慰。遷山東按察使，卒謚襄獻。

元

任尚志：壺關人。歸木華黎，充兵馬大元帥、澤潞節度使。與金人戰有功，金人擒拿長子以招之。志曰：『我爲大朝帥，豈愛一子？』親射死之。後以議事預徵，道經武安，爲金人所襲。

害。子存，亦與金將武□戰，死。

普顏貼木兒：一名不花。至正間爲達魯花赤，兼諸軍奧魯事。勸課農桑，作興學校。嚴信牌，辨冤抑，□獄於民，教以孝弟節義，民多感悅，即古遺愛不遁是。

關保：河南人，至正間爲總兵野庵裨將。時晉冀盜起，調禦澤潞，與招討萬戶虎林赤展築城垣，并力守御。盜據澤及高平，整兵掩襲，剿絕。復列兵守諸隘口，民賴以寧。繼有杏城盜首劉子才約侵澤潞，保整兵以禦，直抵杏城，設奇剿之，僵尸百里，蹂躪殆盡。功聞，進保侍郎，虎爲理卿，仍賜龍衣金幣有差。凱旋，值旱蝗，秋復大水，遍禱山川，回歉爲豐，民獲安。

澤州志

卷十三

宦蹟志

六四〇

堵。尋以攻汴功魁諸郡，加山東樞判，同僉院，累贈級左轄。

葉企顏：上蔡人。至正間，以統軍元帥知翼城縣事，陞知州，撫育民生，惠澤遠被。建居官箴以自勵。興學造士，政聲茂著。

宋景初：高平人。初爲平原教授，以經術迪士，風化大振。陞晉城令，治奸黨辨誣，政聲四達，時稱循吏。後家居七年，朝論高之，擢史館編修，仕至諭德。

國朝

李祥：湖廣人。洪武初，以人材知州。時干戈甫定，城廓蕭然，乃建州治，修學，典作煩擾，民不稱勞，招集流移。延師訓士，民漸復業，號廉能太守。

寧靖：湯陰人，成化間舉人。以蘇州府推官陞知州，慈祥愷悌，正大光明，清慎之操，終始如一。民有訟者，必反復譬喻，使之自改。敬獄緩刑，不輕笞一人。嘗需菜和藥，民有獻者，乃厚償之，其廉介可尚，類如此。

馬汝驥：綏德人，進士。初官翰林院庶吉士，諫武宗南巡，出知州。操履峻潔，政尚寬簡，改學制，惠政及民，闔郡至今德之。陞翰林編修，歷官禮部侍郎，謚文簡。

王朝雍：朝邑人，嘉靖間舉人。初授嚴州府推官，陞知州。坦夷寬厚，政理訟平，歷任三載，人蒙其惠。適巨寇陳卿反，據青羊山，事聞，敕官兵剿之，檄爲紀功。陷賊中，凡二十七日，